

**Ufficio Stampa della Provincia autonoma di Trento**

Piazza Dante 15, 38122 Trento

Tel. 0461 494614 - Fax 0461 494615

uff.stampa@provincia.tn.it

**COMUNICATO n. 968 del 06/04/2023**

**Traduzione in ladino**

## **Antropolad: l'é stat sotscriit la convenzion per i doi egn 2023/2025**

**La Jonta provinzièla en vender ai 31 de mèrz l'à aproà l schem de convenzion per i doi egn 2023/2025, anter la Provincia autonoma de Trent, la Libera Università de Busan, l'Università di Studies de Trent e la Scola Ladina de Fascia, per meter a jir la quarta edizion del cors de formazion che à inom ANTROPOLAD. L cors, metù a jir per chi che volessa doventèr insegnant e per i dozenc en servije te la scoles de duc i livie de l'area ladina de Fascia, à desche obietif chel de smaorèr la competenzes di partezipante ciampes desche chel de la linguistica, de la letradura e de la cultura ladina, de l'antropologia alpina e de la didatica. La modalitèdes e i terminis per la enscinuazion i sarà a la leta sora n pech su la piata internet de la Libera Università de Busan a la direzion: [www.unibz.it](http://www.unibz.it)**

La Provincia, da dotrei egn en ca, la met a jir projec ouc al miorament de la perferida formativa, ge dajan gran atenzion a la formazion di dozenc che insegna lengac de mendranza. Anter chisc à na gran valuta ANTROPOLAD, na scomenzadiva che à ja abù ejic dassen positives e che à arjont sia quarta edizion, che no la vel demò ge responer ai besegnes palesé da la comunanza ladina, ma ence a chel che disc la lege su la scola, che perveit desche condizion per dèr su, con prezedenza assoluta, i pos vec e a la leta per la assunzioni a temp no determinà e determinà de personal insegnant de la Scola Ladina de Fascia, tant chela de aer l atestat de cognoscenza del lengaz e de la cultura ladina, ma ence chela de aer la atestazion de calificazion arjonta do aer tout pèrt a projec de auta specialisazion.

ANTROPOLAD l'é out a chi che volessa doventèr insegnant e ai dozenc en servije te la scoles de ogni nivel de l'area ladina de Fascia e l'é orì ence ai dozenc e ai operadores culturèi de l'area ladina dolomitica, scin canche sarà pos a la leta.

L cors de formazion, che durarà cater semestres, perveit na atività didatica en dut che vèl desche 18 CFU, con obligh de tor pèrt al'80% de la ores pervedudes per la lezioni e per i laboratories. Duc i corsc i vegnarà metui a jir te la senta de la Scola ladina de Fascia, a Sèn Jan / San Giovanni di Fassa.

Per tor pèrt al cors ge vel aer l diplom de matura. Pel se enscinuèr ai ensegnamenc ence chi che à l diplom de matura, chi che à desmostrà de aer na gran cognoscenza de la materia e duc i studenc de l'università enscinué a na vida regolèra a la università de Trent e de Busan. Ge vel aer n nivel de competenza de talian e de ladin medemo o più aut che l B2 QCER. Chi che no à i zertificac linguistics podarà fèr n ejam per l zertament de la cognoscenza de nivel B2 de ladin aló da la Libera Università de Busan, do se aer enscinuà.

**Traduzion di Servijes Linguistics e Culturèi del Comun General de Fascia**

(cdt)